

Олна донъгар

ЯРОСЛАВЛЬ, (ТАСС). Эврәннь сән сәәхн бәәдләрн Арәсән Федерацин балгъсдин дөрлдәнд хойрдгч орм эзлсн, Ярославль балгъсн улм икдәд, сәәхрәд бәәнә. Зун миньгъ гар квадратн метр мостовой болн тротуар асфальтар бүркгдв, балгъсна центригар захлань нилүлджәх шин хаалгъ татгдв. Тосхлтин грестин кәдләчнр 3мти бәәх гермүдин ясврин зурагъан 40 пр давулдж күцәв. Усн гүүдг проводиг 15 километрт икдүлв.

Балгъс көкрүлгәнә әдл-аху эврәннь авсн даалгъвр деерән питомникд кесг миньгън мод авад, теднән уульнцс болн сквермүдәр тәрв. Тутаевск шоссег көбгәд, модна парк бүрдәгдв. Ярославур авч едг магистральмуд модар көкрүлгдв. Коммунальн әдл-ахуд көдләчнрт олна донъ бгсн учрар, ән дилвр күцгдв. Заводмудин, фабриксин көдлмшчнр болн үүлд цергләчнр балгъсна бәәдл

ясулгънд ән джил 26 сай арслнъ мөнъгнә көдлмш кех болдж бгсн үтән зөвар давулдж күцәв.

Олна болн промышленн предприятиясин көдләчнрин чидлар Мышкинск уульнц төрүц талдан болдж сәәхрв. Ән уульнцд көлгн-күчн йовдг болн тротуарс, кюветс, усна туннелс болн тагтс шинәс кегдв, көк модд тәргдв.

Олна төрт орлчачнр балгъсна бәәдл-джиргъл ясулгънд орлицгарн энтузиастнр болджана. Мышкинск уульнциг шинәс ясулгъна көдлмшиг пенсионер А. Белкин гардв. Свобода уульнцд оln патърта 79-ч номертә герт бәәдг А. Лебедева болн Н. Андреев ән уульнц яслгънд 15 воскресник болн субботник кев. Хаалгъ, тротуар желгъиг, көк мод гермүдин өөр тәрлтгъиг, электросеть яслгъиг, селәнә цевр-цер бәәлгәнә халхиг алектрик А. Петухов толгъалдв.